

جَزَائِرِ حَاكِمَتِ

جمعه ایرتسی

نومرو	ذی القعدة	سنة	نیسان	سنة	صحیفه
۸۷۱	۱۲	۱۳۱۳	۱۳	۱۳۱۲	۱۲۲۵۳

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخی ینه مجیدیه یکریمی غروش اولق اوزره یوز پاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظاری)
 (داتره سنده کان جریده محاکم اداره سنه مراجعت ایلیلدر)

قسم غیر رسمی

محکمه استیناف حقوق قسمندن ۴ شباط
 سنه ۳۱۰ تاریخی و ایکوز اون بش عددی ایله
 صادر اولان اعلامک تمیزی استدا ایدن
 بک اوغلنده باقه التنده قرق طقوز نومرولی
 خانه ده ساکن انکلتزه دولت فخمه سی تبعه سندن
 اجزاجی موسیو قانزوق وکیلی اونیک افندی
 ایله مدعی علیه در سعادتده بالی بازارنده پینرجی
 سواقانده طقوز نومرولی مقازه ده مقیم بقال

خرستو اندریادی و شرکاسی وکیلی محمد علی
 افندی بوم معینه داتره یه کلش اولدقلرندن
 دولت مشارالیه انک در سعادت سفارتی قنچلاریه سی
 ترجمانلرندن موسیو دووا حاضر اولدینی حالده
 ایضاحات شفاهیله لر استماع قلندقدنصکره تدقیقات
 تمیزیه اجرا سنه ابتدار اولندی .

اعلام مذکورک خلاصه مآلی مرقوم
 خرسو اندریادی بفتحه قوسنده جمیدیه تر به سنده
 کائن بر باب مقازه نک یوز یکریمی حصه اعتبار یله
 یتمش بش حصه سی کفندوسیله همشیره و برادرلرینک

وقرق بش حصه سی دخی قورد اوغلی ورثه سنک
عهده تصرفلرنده اولدینی حالده اصالت و وکالتی
حسیله ورثه مرقومه ایله برابر ایکی سینه مدت
اقامت ایتک و بدل ایجارک سکرز ماهی بشر
و آندن صکره کذران ایدن ماهرلر اجورانی بشر
یحق لیرا اولق و شرائط سائر اوزره مرقوم
قازوقه ایجار ایتش ایهده مستأجر مرقوم
خلاف مقاوله مأجور مذکورک دیوارنی هدم ایله
اتصالده کی دکانه قبو کشاد ایدرک تخریب
ایلدیکندن ماعدا صورت حقیقه مذکور دکافی
بالطو طومه یان نامنده بریسنه دخی ایجار ایتسندن
طولانی کندوسی دخی عقد ایجاری فسخ ایتش
اولدیفندن مأجور مذکورک هیئت اصلیه سنه
ارجاع صورتیله اعمار یله تخلیه سنی و حین تخلیه
دکین متراکم بدل ایجارک اولباده کشیده قلنان
پروتستو موجبجه مستأجر مرقومدن تحصیلی
بک اوغلی بدایت محکمه سی ایکنجی حقوق
دائرهنده طلب و دعوی و برقطعه مقاوله نامه ایله
برقطعه پروتستو ورقه سی ابراز و اعطا ایتسنه
قارشو مرقوم قازوق دخی مأجور مذکورک
برکونه تخریبات ایشاع ایتدیکی کی آخره دخی
دور و ایجار ایتوب الیوم کندوسنک تحت
استیجارنده بولدینی جهته مدعینک کندی

تخریبی موجب اولدینی بالکشف تحقق ایتسنه
مبنی موجر خرسو و شرکاسنک محکمه یه مراجعتله
فسخ عقده صلاحیتلری آشکار بولنش اولدیفندن
مأجور مذکورک بالتخلیه خرسو و شرکاسنه تسلیمنه
واوچوز طقوز سنه سی تموز ندن تشرین اولی نهایتنه
قدر بشر لیرادن یکریمی و تاریخ مذکور دن حکم تاریخی
اولان اوچوز اون سنه سی کانون اولنک یکریمی
یدنجی کونته دکین کذران ایدن مدت ایچون
بر موجب پروتستو شهری سکرز یحقی لیرادن یوز
اون سکرز لیرا اون بش غروش بدل ایجار ایله
عندالکشف تحقق ایدن یوز الی غروش مصارف
تعمیریته نک مستأنف علیه موسیو قازوقدن
بالتحصیل مستأنف خرسو اندریادی و شرکاسنه
اعطاسنه حکمدن و مستدعی موسیو قازوق و کیلی
اونیک افندیبنک اشبو حکم علیهده کی اعتراضاتنک
باشلوچه سی مأجور مذکور بش لیرایه استیجار
اولدیفندن بدل ایجارک تحصیلنه حکم اولدینی تقدیرده
بر موجب مقاوله بدل ایجارک مقدار مذکور دن
یوریدلمسی لازم کلورایکن جوابی و بریله رک حکمی
اعتباردن اسقاط ایدیلان پروتستویه استناداً
صکره کی اجوراتنک سکرز یحقی لیرادن تحصیلنه
قرار ویرلمسی و موکلنک بلا عقد مأجورده اقامتی
فرض اولنسه بیه بوباده کی اجر مثلك اجر مسامی
تجاوز ایتامک شرطیله ارباب وقوفه تقدیر
ایتدیر یله رک تعیین ایدلمسی امور لازم دن بولندینی

ایجابی لدی المذاکره تمیزی طلب اولسان
اعلام مذکور مندرجاتدن اکلاشدینی اوزره
موجر مرقوم خرسو طرفندن کشیده قلنان

پروتستو تاریخیدن تاریخ حکمه قدر کذران ایدن مدت ایجارینک سکزر بچق لیرادن تحصیلنه قرار ویرلش ایسه ده مذکور پروتستویه مستأجر موسیو قانزوق طرفدن جواب ویرلهرک مندرجاتی قبول اولنماسنه نظراً بدل ایجارک مقاوله نامه موجبجه بشر بچق لیرادن تحصیلنه قرار ویرلسی لازم کلور ایکن بدل ایجارک مذکور پروتستویه استناداً سکزر بچق لیرادن تحصیلنه حکم اولنسی یولسز اولدینی کبی کشف مصارفک مستأجر موسی الیه طرفدن استکثار اولسنه وفی الحقیقه کشفک صورت اجراسنه کوره نائب وسائر ایچون کوستریلان بشیوز التمش غروش مصارف فضله کورلسنه نظراً بونک دخی محکمه جه نظردقته الهرق تعدیلی مقتضی اولدینی حالده برمنوال محرر مصارف کشفیه نک فضله اوله رق اخذ ایدلسی مغایر اصول وقانون بولنش و مستدعی موسیو قانزوق وکیلنک باشلوجه اعتراضی دخی بوجهته متدائر اوله رق شایان قبول کورنش اولدیغندن اصول محاکمه حقوقیه قانوننک ایکوز اتوز ایکنجی ماده سی موجبجه اعلام مذکورک تقضیه قانون مذکورک ایکوز قرق دردنچی ماده سی حکمنه توفیقاً کیفیتک قسم مذکوره اعاده سنه وزیرده مفرداتی مرقم درتیوز

طقوز بچق غروش مصارف تمیزیه نک ایلزوده حقسنر چیه جق طرفه رجوع ایتک اوزره اول امرده مستدعیدن الخمسنه ۳۰ مایس سنه ۳۱۱ تاریخنده متفقاً قرار ویرلهرک تفهیم قلندی .

قدس شریف بدایت محکمه سندن ۳۰ تشرین اول سنه ۳۰۹ تاریخی و قرق اوج عددی ایله استینافاً ویریلان اعلامک تمیزینی استدعا ایدن یافیه تابع الرمله قصبه سنده مقیم تجارندن عیسی وروفا و ابراهیمک وکیلی الیاس رسام افندی ایله مدعی علیه قدس شریف روم مناسترینک بطریق جراسیموس افندی وکیلی ابراهیم افندی یوم معینده دائرهبه کلدکارندن ایضاحات شفاهی لری ایله باش مدعی عمومی معاونلرندن سعادتلو یورغاک افندی نیک مطالعه سی استماع قلنهرق تدقیقات تمیزیه اجراسنه ابتدار قلندی .

اعلام مذکورک خلاصه مالی الرمله قصبه سنک خرسیتیان محله سنده روم مناستری

قارشوسنده کائن وارابی دیمکله معروف وروم فقراسنک اسکاننه مخصوص بر باب خانه مذکور مناسترک املا کندن اولمق حسیلله بیک سکزر یوز یتش ایکی تاریخنده بطریق اسبق کریلوس افندی جانبندن حین طلبیده اعاده قلنمق واستردادینه قدر انتفاع ایتک اوزره مدعی علیهم عیسی وروفا و ابراهیمک پدرلری متوفی میخائل و جیران شیطیه اعاده قلنمش و مستعبران مرقومانک وقوع وفاتلریله صکره کلان بطریقلرندن تقو دیموس افندی متوفای مرقومانک اوغللری مدعی علیه نه خانه مذکورک اعاده سی تمید ایتش اولدینی حالده مدعی علیهم مرقومان برکونه اذن واجازت المقسزین مذکور خانه حقنده بعض تعمیرات اجراسنه قیام ایتش اولدیلرندن بختله مذکور خانه نک بالاسترداد مناستر طرفه تسلیمنی مناستر مذکورک الیوم بطریق خراسموس افندی نیک طلب و دعوی ایتسنه قارشو مدعی علیهم مرقومون دخی منازع فیه خانه نظامی دائره سنده ویریلان قوچان موجبجه متوفی پدرلرندن کندولرینه انتقال ایتش و شمدریه قدر کذران ایدن بطریقلر و وکیللرینک مشاهد سیله هدم و بنایدرک تصرف ایتیکده بولنش اولدیلرینی بالیان اعاده ادعاسنی انکار ایتلری اوزرینه اولباده وضع ید

بینه سی استماع اولندقدن صکره اجرا قلنسان محاکمه و تدقیقات نتیجه سنده منازع فیه اولان خانه بطریق اسبق کریلوس افندی طرفندن اون طقوز سنه اقدام مدعی علیه ک پدرلرینه تسلیم اولنهرق بو آنه دکن اصلا دعوییه تصدی اولدینی جهتله دعواده مرور زمان اولدینی ا کلاشلش اولدیفنه بناء بجه نک بیک التیوز التمشینی ماده سی موجبجه دعوانک عدم استماعنه دائر بدایت صادر اولان اعلامک عندالاستیناف فسخیلله اجرا قلنسان محاکمات و تدقیقات استینافیه نتیجه سنده منازع فیه اولان خانه اشمندر جراسیموسک نصر فنده اولدینی حالده وفاتی وقوع بولش و راهبرک متروکانه بیت المالك مداخله حق اولدینی و جمیع ماملرینک مناستره عائد اوله جنی ابراز اولنان برات شریف وعدلیه نظارت جلیله سندن تسطیر قلنسان تحریرات عمومییه احکامی اقتضاسندن اولدینی کبی مستأف علیه ک اقرارلری ایله تبیین و تحقیق ایلش اولدیغندن مرقومانک بطریق سابق تقو دیموس افندی دن خانه مذکورک دهابرمدت پدرلرنده عاریه ابقاسنی طلب ایلدیلری اولباده اقامه واستماع قلنسان شهودک شهادت واقعه لرله ثابت اولسنه منی بجه نک سکزر یوز الی و سکزر یوز یکریمی بش و بیک بشیوز سکسان اوج

وبيك سكر يوز اون سكر و بيك سكر يوز اوتوز
وبيك سكر يوز ايكنجي ماده لرى موجبنجه
مدعى عليهمك مداخله لرينك منبله خانه مذكورك
مناسيره تسليمه حكمدن واشبو حكم عليهنده
مستدعى تميزلر وكيلى الياس رسام افنديك باشلوجه
اعتراضى دعواى واقعه مرور زمان نقطه سندن
بدایه رد ايدلس ايكن استيناف محكمه سنججه حكم
ابتدائينك فسختدن صكره مرور زمان حقنده
بركونه تدقيقات اجرا قلنامسى وموكللرى طرفندن
ابراز اولنان سند خاقانينك نظر دفته النامسى
مقاير قانون اولديغندن بختله اعلامك تقضى
استداسندن ومدعى عليه وكيلى ابراهيم افنديك
نتيجه جوابى دخى حكم واقع اصول وقانونه موافق
اولدينى بيانيله اعتراضات مسروده نك ردی
واعلام مذکورك تصدیق طلبندن و معاون
مومى اليهك مطالعه سى دخى حكم ابتدائى مرور
زمانه مبنى دعوانك عدم استماعه منحصر اولديغنه
كورده درجه اولى محكمه سنده استماع ورؤيت
اولندينى دركار بولنديغنه و اويله بدایه رؤيت
اولميان دعاوى حقنده كى اعلاماتك عندالاستيناف
فسخى حالنده درجه اولى محكمه سنده اعاده كيفيت
مجبوريت قانونيه تحتنده اولديغنه و بومقوله
دعاويده مدعى عمومينك استماعى لازمه دن اولدينى

حالده استيناف محكمه سنده مأمور مومى اليهك
مطالعه سى النامش اولديغنه مبنى اعتراضات
واقعه نك موافق قانون اولدينى بيانندن عبارت
بولمشدر .

ايجابى لى المذاكره اعلام مذكور مآلندن
اكلاشدينى اوزره دعواى واقعه بطريقخانه به
متعلق بولمش اولمسنه كوره اثنای محاكمه
مدعى عمومينك بالمداخله مطالعه سى استماع قلنقى
تشكيل محاكم قانونك التمش بشنجه ماده سى
اقتضاسندن ايكن محكمه مذكورده جه مأمور
مومى اليهك حاضر بولنديرلامسى ومستأقف عليهم
طرفندن ابراز اولنان سند خاقانينك عيناً وياخود
خلاصه اعلامه درج ايدلامسى و مرور زمان
ادعاسى درميان اولمش ايكن بوجهتك مجله نك
مرور زمان حقنده كى مواد مخصوصه سنده توفيقاً
حل و تدقيق اولنامسى بولسز و اصول وقانونه
مقاير اولديغندن اصول محاكمه حقوقيه قانونك
ايكوز اوتوز ايكنجي ماده سى موجبنجه اعلام
مذكورك تفضيله قانون مذكورك ايكيوز قرق
در دنجى ماده سى حكمنه توفيقاً كيفيتك صورت
مشروحه دائره سنده يكيدن بالرؤيه اعلامه
ربطى ضمننده محكمه مذكورده اعاده سنده وزبرده

مفردانى مرقم اوچيوز اللى اوچ بچى غروش
مصارفى محاكمه نك ايلروده حق سز چقه جق طرفه
رجوع ايتك اوزره اول امرده مستدعى تميزلردن
اخدينه ۱۸ مابى سنه ۲۱۲ تاريخنده متفقاً قرار
ويريله رك تفهيم قلندي .

توقاد بدایت محكمه سندن ۳۰ حزيران
سنه ۳۰۳ تاريخيله ويريلان اعلامك تميزينى
استدعا ايدن توقاد قصبه سنده مقیم دكر منجى آغوب
ايله بمز عليهما قصبه مذكورده ساكن ايپكلى
زاده على بك ويازيد اوغلى حاجى شريف اغا
يوم معينده دائره به كلكلردن اصول محاكمه
حقوقيه قانون موقتك ايكيوز يكرى طقوزنجى
ماده سى موجبنجه تدقيقات تميزيه اجراسنه
ابتدار قلندي .

اعلام مذكورك خلاصه مالى مزبوران
على بك وشريف اغاك توقاد جوارنده كنديرك
نام محله كائن متصرف اولدقلى باغلى جوارنده

جارى نهر اوزرينه مرقوم آغوب جانيندن قازيقلر
وضع وصوبك مجرای اصليسى سد و بند ايديلوب
نهر مذكورك طغياننده مذكور باغلىك خرايينه
سبيت و برلديكندن بختله مذكور قازيقلر رفقى
طلب ودعوى ايتلرى و اولنان دعوت مرقوم
آغوب جانيندن اجابت قلنامسى اوزرينه مرقومك
غيابنده تعيين قلنان وكيلى مسخر حضوريله اجرا
قلنان محاكمه و تدقيقات نتيجه سنده مرقوم آغوبك
احداث ايلديكى ذكر اولنان قازيقلر مدعيلرك
باغلىرينه ضرر ايراث ايلديكى اولبابده اجرا
اولنان كشف و تحقيقات اوزرينه كشف نايتك
و برمش اولدينى رابور و استماع ايلديكى شهودك
شهادتى ايله تبين ايتديكندن مجله نك بيك سكر
يوز اون سكرنجى ماده سى موجبنجه مذكور
قازيقلر قلع و ررفغه حكمدن و مستدعى تميز
آغوبك اشبو اعلام عليهنده كى لايحه سنده محرر
اعتراضاتك باشلوجه سى قازيق وضع اولنان محلله
كيملرك واضع اليهك اولدينك بالينه اثبات
ايتدبرلامسى مقاير قانون اولديغندن بختله اعلامك
تقاضى استداسندن و بمز عليهمانك لايحه لرنده
مندرج نتيجه جوابلرى دخى حكم واقع موافق
قانون اولدينى بيانيله اعتراض مذكورك ردی
واعلامك تصدیق طلبندن عبارت بولمشدر .

اجبانی مذاکره اولدوقده اعلام مذکور
مطالعہ سندن منقہ اولدینی اوزره حکم واقع
کشف نابینک استماع ایش اولدینی شهودک
شهادتہ بنا قلمش اولوب حالیکه نائب مومی
الیہک حکمہ مأذون اولوب اولدینک و استماع
ایتدیک شهودک سرأ و علناً ترکیه اولدقلرینک
اعلام مذکورہ درج و تنیق قلماسی مغایر اصول
و قانون اولدینہ بناءً اصول محاکمہ حقوقہ قانون
موقتک ایکوز قرق برنجی ماده سی موجبہ اعلام
مذکورک قضیلہ قانون من بورک ایکوز قرق
در دنجی ماده سی حکمہ توفیقاً کیفیتک یکیدن
بالرؤیہ اعلامہ ربطی ضمتندہ محکمہ مذکورہ یہ
اعادہ سنہ وزیردہ مفر داتی مرقم در تیوز طقسان
بش بحق غروش مصارف محاکمہ نک ایلرودہ
حقسز حقیقہ حق طرفہ رجوع ایتک اوزره اول
امردہ مستدعی تمیز آغوبدن التسنہ ۱۳ شباط
سنہ ۳۰۶ تاریخندہ متفقاً قرار ویرلدی .

اعلام مذکورک خلاصہ مالی من بورہ
پلومیچہ قادی من بورہ آدولہ قادی نک پدری
متوفی پاپا لامبرینودی ذمتندہ مطلوبی اولدینی
بیانیلہ ساقزده کائن برقطہ پور تقال و لیون
بغچہ سی جز ایتدیرمش ایسده مذکور
بغچہ سی پدرندن برقطہ جت شرعیہ موجبہ
اشترا ایدوب کندوسنک تحت تصرفندہ بولنمش
اولدیندن بوبادہ من بورہ آدولہ قادی طرفندن
وقوعبولان مداخلہ نک منعی بک اوغلی بدایت
محکمہ سی برنجی حقوق دائرہ سندہ طلب و دعوی
ایتمی و دعوت واقعہ یہ من بورہ آدولہ قادی نک
اجابت ایتماسی اوزرینہ وکیل مسخر حضوریلہ

سبق ایدن محاکمہ غیابیہ من بورہ آدولہ قادی نک
مداخلہ واقمہ سنک منعی دائر لاحق اولان اعلام
علیندہ من بورہ آدولہ قادی جانبندن اعطا قلنان
اعتراض علی الحکم عرضحالی اوزرینہ و جاهاً
اجرا قلنان محاکمہ و تدقیقاتدہ جزک وقوعندن
مقدم من بورہ پلومیچہ قادی نک مذکور بغچہ سی
پدری لامبرینودی جانبندن اشترا ایلدیکی مبرز
حجت شرعیہ مندرجاتندن اکلا شلمش اولدیندن
معترضہ آدولہ قادی نک اعتراض استدعاسنک ردیلہ
اعلام غیابی مذکورک تصدیقہ دائر صادر اولان
اعلام و جاهی حقندہ من بورہ آدولہ قادی طرفندن
وقوعبولان مراجعت اوزرینہ استینافاً سبق ایدن
محاکمہ اعلام مستأنف بہک اسباب قانونیہ دن
طولانی فسخندن صکرہ جریان ایدن تدقیقات
استینافیہ نتیجہ سندن من بورہ پلومیچہ قادی
مذکور بغچہ سی پدری مرقوم پاپا لامبرینودین
اعلام مستأنف بہدہ مالی بیان و حکایہ قلنان
جت شرعیہ ایلہ اشترا ایش و مذکور جت دخی
سند رسمی و معتبر و معمول بہ اولغلہ محله نک
بیک سکرکز یوز یکر می برنجی ماده سی موجبہ
بومتللو سندلرک بلاینہ مضمونیلہ عمل و حکم
جائز بولنمش اولسنہ بناءً موجبہ منازع فیہ اولان
بغچہ نک مستأنف علیہا پلومیچہ قادی نک مالی

اولدینہ حکمدن و مستدعی تمیز آدولہ قادی نک
وکیل خریسانطوس افندی نک اشبو حکم علیندہ کی
اعتراضاتک باشلوجہ سی مستأنف علیہا پلومیچہ
قادی نک تبعہ یونانیہ دن اولدینی جہتلہ استملاک
املاکہ قانوناً صلاحیتی بولنمدینی عندالحاکمہ
در میان اولنمش ایکن اشبو تابعیت مسئلہ سنک
تدقیق ایدلاماسی و مذکور بغچہ نک مرقوم
پاپا لامبرینودینک موکلہ سنہ اولان دیندنطولانی
من بورہ پلومیچہ صالتمش اولدینی حقندہ کی
افادہ سنک موکلہ سنہ قارشو برتائیری اولہ میہ جتی
کی بیبی مشعر جت شرعیہ نک دخی سائر حجج
شرعیہ مثللو مضمونی اثبات اولنمدقبحہ عمل جائز
اولہ میہ جتی اصول متخذہ ایجابندن بولنمدینی حالده
بوراسنہ و مذکور بغچہ نک جت تاریخندن مؤخر
قید رسمی یہ نظراً مدیون مرقوم پاپا لامبرینودی
عہدہ سندن اولدینی اکلا شلمسی حسیلہ بوجہ نک
دخی تدقیق لازم کلورایکن بونک تدقیق ایدلاماسی
مغایر قانون اولدیندن بحثلہ اعلامک تقضی
و مدعی علیہا پلومیچہ قادی نک وکیل و اسبیلا کی
دسیری افندی نک نتیجہ جوابی دخی موکلہ سنک
تابعیت عثمانیہ دن بولنمدینی متحقق اولسیلہ خلافی
اثبات ایدلمدیکہ تبعہ صفتیلہ حقندہ ایقائ معاملہ
اولہ جتی بدعی بولنمدینی کی مذکور بغچہ سی

قبول کورنش اولدیفندن اصول محاکمه حقوقیه
قانونک ایکوز اوتوز ایکنجی ماده سی موجب
اعلام مذکورک تقضیه قانون مذکورک ایکوز
قرق دردنجی ماده سی حکمنه توفیقاً کیفیتک قسم
مذکوره اعاده سنه وزیرده مفرداتی مرقم درت
یوز اون طقوز یحق غروش مصارف تمیزیه نک
ایلروده حقسنر چقه جق طرفه رجوع ایتک
اوزره اول امرده مستدعیه آدولیه قادیندن اخذ
واستیفاسنه ۲۱ حزران سنه ۳۱۱ تاریخنده
متفقاً قرار ویریلرک تفهیم قلندی.

استکدار بدایت محکمه سنندن ۱۲ مایس
سنه ۳۱۰ تاریخی والی طقوز عددی ایله صادر
اولان اعلامک تمیزینی بکمر بکنده حوض باشنده
کائن ساحلخانه ده ساکنه عسا کر شاهانه طویچی
قائم مقاملرندن عزتوفائق بک زوجیه سی زینب خانم
باعر نحال استدعا ایتدیکی حالده یوم معینده دائره
کلیوب مدعی علیه قوزغنجقده مقیم بقال یورکینک
ورود ایتیش اولمسیله ایضاحات شفا هیه سیله باش

موکله سنک پدرندن اشترا ایتیش اولدینی تزویر
وتصمیمدن سالم اعلام شرعی مندرجاتیه ثابت
وبنا برین بیع واقع هر صورتله مواضعدن بری
اولدینی جهته اعتراضات واقع نک ردی وموافق
اصول وقانون اولان اعلامک تصدیقی طلبندن
عبارت بولمیشدر.

ایجابی لدی المذاکره تمیزی طلب اولنسان
اعلام مذکور مآلندن اکلشالیدینی اوزره
منازع فیه بقیه نک من بوره پلومیچه قادینک
پدری پایا لامبرینودن بالاشترا تحت تصرفده
اولوب مبرزجت شرعیه به استناداً حکم اولمش
ایسده بحت مذکوره نک تزویر وتصمیمدن سالم
اولوب اولدینی و بلاینه مضمونیه عمل جائز
اوله جق وثائق شرعیه دن اولوب اولدینی اسبابی
اعلامه درج و بیان اولنسی لازم کلور ایکن
بوراسی مسکوت عنه براقلیدینی کبی من بوره
پلومیچه قادینک تبعه اجنبیه دن اولوب اولتاریخده
حق استملا که نائل اولدینی دخی اعتراضاً در میان
اولمش ایکن بوبابده دخی برشی دینلما سی
یولسز ومغایر اصول وقانون بولمش ومستدعیه
آدولیه قادینک وکیلی خریسا نطوس افندیکن
اعتراضاتی دخی بوجهته متدائر اوله رق شایان

مدعی عمومی معاونلرندن مساعدتلو یورغاکی
افندیکن مطالعه سی استماع قلندقدن صکره تدقیقات
تمیزیه اجراسنه ابتدار اولندی.

اعلام مذکورک خلاصه مالی مرقوم یورکینک
مومی الیهما فائق بک وزوجه سی زینب خانم
ذمتنده ارزاق اثمانندن بادیتر الاجنی اولان
بدیوز یکریمی درت غروشک مومی الیهما دن
نخصیاتی طلب و دعوی ایتسی ولاجل المحاکمه
تعیین قلنان کونده مدعی علیهمانک دعوتیه اجابت
ایتماملری ومرقوم یورکی جانندن مدعی علیهمان
یالکیز زینب خانم علیه نه حصر ادعا اولنسی
اوزرینه تعیین اولنسان وکیل مسخر حضور یله
جریان ایدن محاکمه و تدقیقات نتیجه سنده مدعی
مرقوم دعواسنی اثباتدن اظهارعجز ایتسنه بناء
عجله نک بیک سکیز یوز اون سکیزنجی ماده سی
موجبجه عندالاعتراض دین واقع خانم مومی الیهما
جانندن انکار اولدینی تقدیرده عینیه تعلیقاً مبالغ
مدعا بهک من بوره زینب خانم من مع فائض
نخصیله حکمدن ومستدعیه تمیزک اشبو اعلام
علیهنده لایحه سنده محرر اعتراضاتک باشلوجه سی
زوجنک وکندوسنک قلمه سلطانیته ده بولندی
دعوتیه لر زیرینه شرح ایدیلرک محکمه یه

بیلدیرلش اولدینی حالده دعوائی واقع نک خارج
از صلاحیت رؤیت قلنسی و مدعی مرقومک
ادعائی زوجی ایله کندوسندن ارزاق اثمانندن
طولانی مطلوبی بولندیفندن عبارت اولوب شو
حالده هر ایکسی حقنده محاکمه جریان ایتدیرلک
واولوجهله حکم اولنقی لازم کلور ایکن مدعی
مرقوم استدعائی خارجنده اوله رق دعوائی واقعیه یی
یالکیز کندوسی علیه نه حصر ایلنسی و ایکی
کسنه دن دعوی اولنان برشینک یالکیز بریسندن
استحصانه حکم اولنسی و وکیل مسخر تعیینندن
مقصد غائبک حقوقی محافظه دن عبارت اوله رق
بوده استجواب ومدافعه صورتیه حاصل اوله جفی
بدیهی ایکن محکمه جه بوراسندن ذهول اولنسی
وحکم اعلاملری برکونه شرط ایله مقید اولیه جفی
لابد بولندی حالده تمیز اولنسان اعلامک قرار
محلنده عندالاعتراض کندوسنک انکاری حالده
مدعی مرقومک طلبیه تحلیفه تعلیقاً مبلغ مدعا بهک
تخصیله حکم ایدلنسی مغایر قانون اولدیفندن بخله
اعلامک نقضی استدعاسندن ومدعی علیه نک نتیجه
جوابی اعتراضات واقع واهی اولدینی بیانیه
ردی وموافق قانون اولان اعلامک تصدیقی
طلبندن ومعاون مومی الیهک مطالعه سی دخی
مستدعی تمیز سنتر اعتراضاتی میاننده عدم

صلاحیت اعتراضی در میان ایدیور ایسه ده
درجه اولی محکمه سنده بوکا دائر برکونه افاده
سبق ایتدیکنه منی اصول محاکمه حقوقیه قانوننک
ایکیوز اوتوز ایکنجی ماده سی احکامجه اعتراض
مذکورک غیر وارد اولدینی بیانندن عبارت
بولنشد .

ایجابی مذاکره اولندقدن تمیزی طلب اولنان
اعلامک نتیجه مالی بدایه مدعی بولنان مرقوم
یورکینک ارزاق اتمانندن طولای مومی الیها
فائق بک وزینب خاتم ذمتلرنده مطلوبی بولنان
یدیوز کسور غروشک عندالاعتراض مدعی
علیها نک انکاری تقدیرنده یمننه تعلیقاً مبالغ
مذکورک حصراً مومی الیها زینب خاتمدن
تخصیصنه حکمدن عبارت ایسه ده اعلام مذکور
مطالعہ سندن منقهم اولدیفنه کوره بدایه مدعی
بولنان مرقوم یورکی خانم مومی الیها ایله زوجی
فائق بک ذمتلرنده بادفتر مطلوبی بولندیقی
استدعاسنده بیان ایتش اولدیفنی حالده انشای
محاکمه ده یالکیز خانم مومی الیهایه حصر دعوی
ایتمسنه نظراً محکمه جه مدعی مرقومه تعیین
وتصحیح دعوی ایتدیریلرک نتیجه حاصله به
کوره حکم اولنقی لازم کلور ایکن بوراسنه دقت

اولنقسزین مبلغ مذکورک یالکیز خانم مومی
الیها دن تخصیصنه حکم اولنقی اصول وقانونه مغایر
ومستدعیه نک اعتراضی دخی بوجهته متدائر
اوله رق شایان قبول کورلدیکنه بناءً اصول محاکمه
حقوقیه قانوننک ایکیوز اوتوز ایکنجی ماده سی
موجبجه اعلام مذکورک تفضیله قانون منورک
ایکیوز قرق دردنجی ماده سی حکمنه توفیقاً کیفیتک
صورت مشروحه دائره سنده بالرؤیه اعلامه
ربطی ضمننده محکمه مذکوریه اعاده سنه وزیرده
مفرداتی مرقم درنیوز یکریمی درت یجق غروش
مصارف محاکمه نک ایلروده حقسز چیه جق طرفه
رجوع ایتک اوزره اول امرده مستدعه تمیزدن
التمسنه ۲۲ نیشان سنه ۳۱۱ تاریخنده متفقاً قرار
ویریلرک تفهیم قلندی .

دیار بکر بدایت محکمه سندن ۴ کانون ثانی
سنه ۳۰۸ تاریخی و قرق بر عددی ایله صادر
اولان اعلامک تمیزی استدعا ایدن دیار بکر
قصبه سنک علی بن رشید محله سنده ساکن کورکیان

اعلان

چاقاچیلر یقوشنده مقیم صراف قالیچیان
قالوستک یوسفیان خاننده ساکن ایکن الیوم
اقامتگاهی مجهول بولندیقی باغرخال افاده اولنان
وانلی قزازیان بغده صار علیه در سعادت ایکنجی
تجارت محکمه سنده امره محرر برقطعه سندن
موجبجه اقامه ایلدیکی سکسان ایرا مطالبات
دعوا سنک اشو اوچوز اون ایکی سنه سی مایسک
اوتوزنجی پنجشنبه کونی ساعت التیده فصل
ورؤیتی مقرر ایدوکنندن یوم ووقت منورده
مرقوم قزازیان بغده صارک محکمه مذکورده ده
بالذات حاضر بولنسی ویاخود مصدق سندنله
طرفندن بروکیل کوندرمی لازم کله جکی وشاید
کیز وکیل کوندرمن ایسه حقنده معامله
قانونیه نک ایضا اولنه جفی معلومی اولق اوزره
اولباده تنظیم قلنان دعوتیه ورقه سی محکمه نک
دیوانخانه سنه تعلیق اولندیقی کبی اوراق حوادث
واسطه سیله دخی اعلان کیفیته ابتدار قلندی .

فی ۲۵ شوال سنه ۳۱۳

وفی ۲۷ مارت سنه ۳۱۲

یوسف اغا ایله مدعی علیه قصبه مذکورک
حصرتی محله سنده مقیم قیوچیان آغوب افندی
یوم معینده دائره به کلدکری کبی مدعی علیه
طرفندن جواب لایحه سی دخی کوندرلماش
اولدیفندن باش مدعی عمومیک مأموریت علیه سنک
مطالعہ نامه سی التقدین صکره اصول محاکمه
حقوقیه قانوننک ایکیوز یکریمی طقوزنجی ماده سی
موجبجه تدقیقات تمیزیه اجرا سنه ابتدار
اولندی .

اعلام مذکورک خلاصه مالی مرقوم آغوب
افندی منور یوسف اغا ذمتنده الاجبی اولان
ایکی بیک یوز سکسان درت غروشک تخصیصی
طلب ودعوی ایتسی ولاجل المحاکمه تعیین قلنان
کونده منور یوسف اغا طرفندن اجابت
قلنامه سی اوزرینه غیابنده وکیل مسخر تعیینله
جریان ایدن محاکمه ده دعوی واقع نک شرکتدن
متولدو طرفینک تجاردن اولدینی اکلشلمسی جهته
دعوا نک تجارت محکمه سی صفیله رؤیتنه مبادرتله

مابعدی وار

متوفی محمد اغا ورثه سنك شورای بحریه
رئیس مرحوم حسن پاشا حلیله سی خدیجه صابره
خانم ذمتنده ایکی قطعه مقتضا اعلامی موجب
الاجتهای اولان مبالغ معلومه نك تأمین استیفای
ضمننده مدیونته من بوره نك عهدته تصرفنده
اولوب مرهون و فروختی محکوم بولسان قاسم
باشاده سرکه جی مصاح الدین محله سنده زنجیری قیو
جاده سنده واقع حسن پاشا قوناغی دیمکله معروف
بوز درت نومرو ایله مرقم بر باب ملک قوناغ
بوندن اول مزایده قونیه رقی لیرا بوز غروش
حسابیله اون ایکی بیک غروش بدل ایله طابلی
اوزرنده تقرر ایتیش اولدیغندن یوزده بش ضمیمه
بوندن دها زیاده به طالب اولنلرک واطرافلیجه
معلومات المقتضای استبانلرک اشبو تاریخ اعلاندن
اعتباراً اوتوز برکون ظرفنده درسمادت اعلامات
شرعیه اجرا دائره سنه مراجعت ایلملری دائره
مذکورده دن اعلان اولنور .

فی ۹ نیشان سنه ۳۱۲

متوفی عارف افندی نك صغیر مخدومی محمد امین
افندی ایله صغیره کریمه سی ناهنده خانم والد
ووصیه لری اولوب اسکدارده قیواغاسی محله سنده
۴۴۴ نومرولی خانه ده ساکنه بولسان خدیجه
جوریه خانم قلابجیان ماردریوس و سیواسلی
کر قور و صراف کر قور علیله رینه بک اوغلی
بدايت محکمه سی برنجی حقوق دائره سنده اقامه
ایلدیکی دعوی اوزرینه مرقومونک محل
اقامتلی مجهول وکندولری حال فرارده اولمقدن
ناشی اصول محاکمه حقوقیه قانون موقتک یکرمی
التجی ماده سی منطوقنجه غزتلر واسطه سیله وقوع
بولان اعلانات رسمیه ده معین کونده مرقومون
اثبات وجود ایتامش اولدیغندن طلب وقوعه
واصول محاکمه حقوقیه قانون موقتک یوز قرق
بشنجی ماده سنه توفیقاً اجرا اولنان محاکمه غیاییه
نتیجه سنده مقدما مرقومان طرفندن صغیر و صغیره
مومی الیهمایه منتقل املاک موضوع حججک
تصدیق و تأییدی ضمننده مراجعت وقوعی ثابت
اوله مدیغندن قانون من بورك ایکوز سکساننجی
ماده سی منطوقنجه مذکور حججک فکته و دائره
اجرا ده دیوزیتو طریقله موجود قرق عدد
لیرای عثمان نك وصیه من بوره اعطاسنه

۲۹ شعبان سنه ۳۱۳ و ۱ شباط سنه ۳۱۱
تاریخنده غیاباً قرار ویریلوب اولباده کی اعلامک
برقطعه صورت مصدقه سی دخی اصولاً محکمه
دیوانخانه سنه تعلیق قلمش بولمغله اعلان کیفیت
ابتدار اولندی .

فی ۱۰ نیشان سنه ۳۱۲

تحت القلمده نالبورلر ایچنده ۶۲ نومرولی
دکانده مقیم یاغجی اودو کبوس سیمون اوغلتک
۱۱۷ نومرولی بقلواجی دکانده مقیم ایکن بوکره
محل مذکورده اولمدینی والیوم اقامتکاهی مجهول
بولندینی محله سی امامی افندی طرفندن افاده قلنان
محمد افندی بن سلیمان علیه درسمادت ایکننجی
محکمه تجارتدن استحصال ایلدیکی ۳۰ تشرین ثانی
سنه ۳۰۹ تاریخ و ۴۰۱ نومرولی ودرتیوز
طقسان بدی غروش اون پاره نك گذشته و مصارف


محاکمه ایله برابر تحصیل حکمی ناطق اعلام
غیایینک برقطعه صورت مصدقه سی بر بوال محرو
محکوم علیه ک اقامتکاهی مجهول بولندینی جهتله
اعلاناً تبلیغات لازمه نك اجرایی طلب اولمش
اولمغله اولوجهله صورت مذکورده نك اصول
محاکمه تجارت نظامنامه نك یکرمنجی ماده سنك
دردنجی فقره سی احکامنه توفیقاً تبلیغ اولمش
عد اولمق اوزره محکمه نك دیوانخانه سنه تعلیق
اولندینی کی اوراق حوادث واسطه سیله دخی
اعلانی لازم کیش و تاریخ اعلاندن اعتباراً اوتوز
برکون ظرفنده مومی الیه محمد افندی بالذات
محکمه به مراجعتله اثبات ایتیمی لازم کله جکی
وایتدیکی تقدیرده صورت اعلام کندوسنه تبلیغ
اولمش عدیله حکمتک اجرا اولنه جفی معلوم اولق
اوزره اعلان کیفیت ابتدار قلندی .

فی ۱۲ ذی القعدة سنه ۳۱۳

فی ۱۳ نیشان سنه ۳۱۲

سلطان احمدده اسكندر اوغلى محله سنده
 حواجى باشى زقاغنده خانه سنده ساكنه حسديه
 خاتمك بوندن اقدم غلطه ده طوبخيلر جاده سنده
 دوشمه جى زقاغنده مقيم ايكن غيوت ايتمش اولان
 جزايرلى نوري اغا عليهنه اقامه ايلديكى التمش ليرا
 نقد واشياى بيتيه سائر ده عواسندن طولايى
 در سعادت بدايت محكمه مى برنجى حقوق دائره سندن
 على الاصول تنظيم اولنان ورقه دعوتيه مدعى عليه
 مرقومك اقامه كاهندن غيوت ايلمش اولدينى
 تحققي ايتمى سندن ناشى تبليغ اولنه مامش وبوكى
 غيوت ايدنلر حقنده وقوع بوله جق تبليغاتك بر
 صورتك دائره ديوانخانه سنه تعليق وبر صورتك
 دخی غزنه لر ايله اعلان صورتيله ايفاسى اصول
 محاكمه حقوقيه قانونك يكرمى التنبى ماده مى
 ايجابندن بولمغله دعواى مذكوره نك اشبو اوج
 يوز اون ايكي سنده سى حزينك اون اوچنجى
 پنجشنبه كوفى ساعت بش راده لر نده اجراسى قرار
 جله سندن بولمىش اولديغنه دائر اولان ورقه
 دعوتيه نك بر نسيخه مى محكمه ديوانخانه سنه تعليق
 اولندينى كى بر نسيخه مى دخی اوراق حوادثه
 اعلان ايدلمش اولديغندن يوم مذكوره مرقوم
 اجابت ايتديكى حالده حقنده معامله غيايه اجرا

قلنه جنى بيان و اخطاريله معامله تبليغيه
 اجرا قننور . . .
 فى ۱۵ تيسان سنه ۳۱۲



زهدى افندى ايله ماردير وسك فاطمه شريفه
 خاتم ذمتنده ايكي قطعه اعلام موجبجه محكوم به
 الاجنى اولان مبالغك تأمين استيفاسى ضمننده
 مديونه موسى اليهانك متصرفه اولدينى فندقليده
 مناجلجلى محله سنده مزارلق اوست زقاغنده واقع
 ايكي نومرو ايله مرقم خانه ده مع هوا اوج ربع
 حصه شايه سنك حجزيله فروختى دايين طرفندن
 طلب واستمدا اولمى سنه بناء تحت قراره التمش
 اولغله تاريخ اعلاندن اعتباراً اون بش كون صكره
 بالمزايدة فروخته تشبث اولنه جنى بك اوغلى
 اجرا مأموريتندن اعلان اولنور .



(مطبعة عامره ده طبع اولمى شدر)